



Republika e Kosovës
Republika Kosova-Republic of Kosovo
Qeveria-Vlada-Government
Ministria e Administrimit të Pushtetit Lokal
Ministarstvo Administracije Lokalne Samoupravo
Ministry of Local Government Administration

**Raporti i Zbatimit të Planit Strategjik Institucional të Ministrisë së
Administrimit të Pushtetit Lokal për periudhën Janar - Qershor 2025**

Përmbledhje

Ministria e Administrimit të Pushtetit Lokal (MAPL) në përputhje me mandatin e saj ligjor, objektivat e Strategjisë për Vetëqeverisje Lokale 2016–2026, si dhe Planin Vjetor të Punës për vitin 2025, ka realizuar aktivitetet e planifikuara për periudhën Janar – Qershor 2025. Raporti pasqyron arritjet sipas fushave të përcaktuara në këtë plan, të integruara edhe në kuadër të Planit Kombëtar për Zhvillim. Aktivitetet e raportuara zënë vend në kuadër të pesë objektivave kryesore të punës, si vijon:

- Rritja e zhvillimit ekonomik lokal përmes mbështetjes financiare të komunave të bazuar në performancë;
- Avancimi i bashkëpunimit ndërkomunal, komunal ndërkombëtar dhe ndërkufitar;
- Avancimi i politikave dhe i kornizës ligjore për vetëqeverisje lokale;
- Ngritja e transparencës komunale, promovimi i të drejtave të njeriut dhe zhvillimi i kapaciteteve
- Administrata dhe financat, auditimi dhe prokurimi.

Raporti bazohet në të dhënat e raportuara për aktivitetet e realizuara nga departamentet dhe njësitë/divizionet e MAPL-së, respektivisht:

- Departamentit për Zhvillim të Qëndrueshëm Komunal;
- Departamentit për Bashkëpunim Ndërkomunal dhe Ndërkufitar;
- Departamentit për Integritet Evropian dhe Koordinim të Politikave;
- Departamentit Ligjor dhe për Monitorim të Komunave;
- Departamentit për Performancë dhe Transparencë në Komuna;
- Departamentit për Financa dhe Shërbime të Përgjithshme;
- Divizioni për Komunikim me Publikun;
- Divizioni i Auditimit të Brendshëm;
- Divizioni i Prokurimit.

Lidhur me metodologjinë e raportit, janë marrë për bazë informatat nga njësitë përkatëse të MAPL-së, të cilat janë analizuar dhe janë vendosur sipas objektivave dhe aktiviteteve të caktuara në planin vjetor të punës.

Gjatë periudhës janar–qershor 2025, Ministria e Administrimit të Pushtetit Lokal ka zbatuar një pjesë të konsiderueshme të aktiviteteve të parapara me planin strategjik institucional. Aktivitetet janë fokusuar kryesisht në fuqizimin e komunave përmes ofrimit të mbështetjes, ngritjes së kapaciteteve, nxitjes së bashkëpunimit ndërkomunal, avancimit të transparencës dhe pjesëmarrjes qytetare, si dhe promovimit të integritetit evropian në nivel lokal. Në këtë periudhë janë realizuar vizita të shumta në komuna, janë mbajtur punëtori tematike, janë hartuar raporte periodike në fusha të ndryshme.

Gjatë periudhës raportuese janar–qershor 2025, Ministria e Administrimit të Pushtetit Lokal ka vazhduar të zbatojë me përkushtim aktivitetet e planifikuara në kuadër të planit strategjik institucional, duke pasqyruar angazhimin për forcimin e qeverisjes lokale, rritjen e transparencës, avancimin e procesit të integritetit evropian në nivelin lokal, si dhe nxitjen e zhvillimit ekonomik përmes mekanizmave mbështetës.

Ministria e Administrimit të Pushtetit Lokal, në kuadër të avancimit të legjislationit dhe mbikëqyrjes së vetëqeverisjes lokale gjatë periudhës janar-qershor 2025, ka hartuar Rregulloren për Shqyrtimin Administrativ të Akteve Komunale, si dhe ka finalizuar tre raporte kryesore që lidhen me funksionimin dhe ligjshmërinë e akteve komunale për vitin 2024.

Në fushën e monitorimit të kuvendeve komunale, kanë funksionuar kuvendet e 38 komunave, të cilat kanë mbajtur gjithsej 290 mbledhje të monitoruara përmes teleprezencës dhe vizitave fizike, prej tyre 209 kanë qenë të rregullta, 15 të jashtëzakonshme, 3 urgjente dhe 63 solemne. Gjatë kësaj periudhe janë pranuar gjithsej 877 akte për vlerësim, prej të cilave një pjesë janë adresuar tek ministritë përkatëse, ndërsa 24 lëndë janë dërguar në Ministrinë e Drejtësisë për shqyrtim të mëtejshëm. Po ashtu, ministria ka shqyrtuar edhe kërkesat për konsultim paraprak të pranuar nga ministritë e linjës, duke siguruar përputhshmërinë e tyre me legjislationin për vetëqeverisje lokale

Gjatë kësaj periudhe, zhvillimi ekonomik lokal është përkrahur përmes skemës së granteve të bazuara në performancën e komunave. Ky mekanizëm financiar, i ndërtuar mbi kritere të matshme dhe transparente, ka synuar forcimin e kapaciteteve komunale në menaxhim dhe planifikim, si dhe krijimin e kushteve më të favorshme për zhvillimin ekonomik lokal dhe përmirësimin e shërbimeve për qytetarët.

Në aspektin e bashkëpunimit ndërkombëtar komunal, janë mbajtur kontakte të vazhdueshme me MPJD dhe misionet diplomatike, me synim krijimin e mundësive të reja për binjakëzime dhe projekte të përbashkëta ndërkomunale.

Në fushën e fuqizimit të komunave për hartimin e politikave gjithëpërfshirëse, është punuar ngushtë me autoritetet lokale për të përmirësuar praktikatat e konsultimeve publike dhe pjesëmarrjen qytetare. Ministria ka mbështetur komunat përmes udhëzimeve standarde dhe asistencës teknike, duke ofruar edhe opinione ligjore mbi draft-rregulloret dhe planet e veprimtari për transparencë.

Në kuadër të komunikimit publik, janë zhvilluar raporte periodike lidhur me trajtimin e kërkesave për qasje në dokumente publike dhe pyetjeve nga media e qytetarët. Janë

organizuar takime të ndryshme dhe janë përgatitur raporte narrative për të siguruar transparencë dhe llogaridhënie të vazhdueshme.

Një tjetër fokus ka qenë rritja e bashkëpunimit me komunat në procesin e integritetit evropian. Përmes vizitave të realizuara në komuna, është forcuar dialogu dhe koordinimi mbi sfidat dhe prioritetet në zbatimin e politikave të BE-së në nivelin lokal. Këto vizita kanë shërbyer si platformë për shkëmbim përvojash dhe identifikim të hapave të përbashkët në përafrimin me standardet evropiane.

Sfida kryesore gjatë kësaj periudhe ka qenë dinamika e lartë e aktiviteteve në raport me kapacitetet njerëzore dhe institucionale, si dhe vonesat që lidhen me koordinimin ndërinstitutional, të cilat kanë ndikuar që disa aktivitete të planifikuara të shtyhen për tremujorët vijues. Megjithatë, shumica e aktiviteteve kanë qenë në linjë me planifikimet, duke u realizuar në kohë dhe me rezultate të matshme.

Zbatimi i aktiviteteve sipas departamenteve

I. Rritja e zhvillimit ekonomik lokal përmes mbështetjes financiare të komunave të bazuar në performancë

Aktivitetet e realizuara në kuadër të objektivit të parë, janë grupuar në 3 fusha kryesore si vijon:

- Hartimit të politikave për zhvillim ekonomik lokal;
- Financimit të projekteve të komunave;
- Menaxhimi i performancës komunale;

1.1. Zhvillimi i kuadrit strategjik për zhvillim ekonomik lokal

Zhvillimi ekonomik lokal është një proces që ka për qëllim përmirësimin e jetës së qytetarëve, duke nxitur rritjen e investimeve, stimuluar ndërmarrjet me potencial zhvillimi, promovuar krijimin e vendeve të reja të punës, si dhe duke ngritur infrastrukturën e nevojshme për ta lehtësuar bashkëpunimin midis palëve. Lidhur me këtë Qeveria e Kosovës, nën udhëheqjen e MAPL-së dhe në bashkëpunim me institucionet tjera të linjës, komunat dhe akterët tjerë relevantë ka hartuar Planin Nacional për Zhvillim Ekonomik Lokal 2030, me qëllim të lokalizojë orientimet strategjike që dalin nga SKZH dhe PKZH 2030 dhe strategjitë sektoriale që ndërlidhen me zhvillimin ekonomik.

Në kuadër të këtij plani janë realizuar 2 takime për Zbatim të PNZHEL. Takimi me Drejtorët komunal për Zhvillim Ekonomik Lokal është mbajtur më datë 23 Prill 2025, ndërsa takimi i Komitetit Zbatues të Programin Nacional për Zhvillim Ekonomik Lokal është mbajtur më datë 29 Prill 2025.

Për mbështetjen e komunave në procese buxhetore, është përgatitur shkresa për Ministrinë e Financave, Punës dhe Transfereve me rekomandimet në procesin e përcaktimit të financimit komunal nga Komisioni i Granteve sipas LFPL dhe LMFP.

- Është hartuar raporti i shpenzimeve të komunave për vitin 2024;
- Është hartuar raporti i të hyrave vetanake të komunave për vitin 2024;
- Është hartuar raporti vjetor përmbledhës i investimeve kapitale për projekte për vitin 2024;

1.2. *Financimi i projekteve të komunave*

Ministria e Administrimit të Pushtetit Lokal, në kuadër të investimeve kapitale ka tri programe:

- Programet për financimin e projekteve kapitale të komunave
- Programi për mbështetje për projektet infrastrukturore për komunitete
- Bashkëfinancimi me donatorë për skemën e granteve bazuar në performancë komunale

Programet për financimin e projekteve kapitale të komunave si dhe programin për mbështetje për projektet infrastrukturore për komunitete janë një ndër instrumentet kryesore të mbështetjes direkte të komunave në fushën e zhvillimit ekonomik. Për këto programe MAPL ka përgatitur kriteret për financim të projekteve të komunave dhe janë aprovuar nga menaxhmenti i lartë. Është lansuar fondi për financim të projekteve më datë 24.01.2025 dhe në kuadër të kësaj thirrjeje janë pranuar aplikimet, të cilat janë vlerësuar nga komisioni, është hartuar raporti, si dhe është bërë njoftimi i përfituesve. Poashtu me datë 24.02.2025 janë nënshkruar marrëveshjet e mirëkuptimit dhe janë bërë zotimet e mjeteve për të dy projektet e komunës së Pejës, sipas marrëveshjeve të mirëkuptimit për financim. Meqenëse kishte vonesa në aprovimin e vendimit për rialokim të mjeteve, punëtorja e paraparë të mbahet në qershor të këtij viti, është shtyrë për muajin shtator. Ndërsa vizitat me komunat përfituese për projektet e kontraktuara do të realizohen gjatë procesit të implementimit të tyre.

Në kuadër të bashkëfinancimit me donatorë për skemën e granteve bazuar në performancën komunale, është koordinuar procesi i projekteve me komunat përfituese lidhur me projektet e financuara nga Granti i Performancës Komunale për fondet e MAPL-së, si dhe është dërguar lënda e kompletuar me 25 projekte në MFPT për opinion financiar dhe është pranuar opinionin pozitiv nga MFPT. Ndërsa marrja e vendimit të Qeverisë për rialokimin e mjeteve është bërë më dt.29.05.2025. Zotimi për ndarjen e mjeteve financiare është përgatitur.

Është përfunduar Raporti vjetor përmbledhës i investimeve kapitale për projekte për vitin 2024, Raporti përmbledhës i investimeve kapitale (2008 - 2024) i investimeve kapitale dhe Raporti i tri viteve të fundit (2022 - 2024) i investimeve kapitale.

1.3. Vlerësimi i performancës komunale

Rëndësi e madhe i është kushtuar edhe avancimit të sistemit të performancës komunale dhe skemës së grantit të bazuar në performancë. Sa i përket matjes së performancës së komunave për periudhën Janar-Qershor 2025, me 15 Shkurt 2024 është hapur thirrja për raportim të performancës komunale për vitin 2024. Të gjitha komunat janë njoftuar lidhur me procesin e raportimit të performancës komunale 2024. Është bërë pranimi dhe vlerësimi paraprak i të dhënave nga Sistemi i Menaxhimit të Performancës Komunale, si dhe është trajtuar procesi i verifikimit paraprak në SMPK duke eliminuar gabimet eventuale teknike/logjike. Është përfunduar faza e përpunimit dhe verifikimit të të dhënave, ndërsa është në proces hartimi i raportit final i performancës komunale për vitin 2024. Gjithashtu janë mbajtur trajnimet për zyrtarët komunal raportues, me qëllim përmirësimin e raportimit në Sistemin e Menaxhimit

të Performancës Komunale. Trajnimet janë realizuar në komunat: Rahovec, Hani i Elezit, Gjiilan, Novobërdë, Klllokot, Graçanicë, Mitrovicë Veriore dhe Fushë Kosovë.

Gjatë këtij procesi, janë pranuar dhe verifikuar raportet e dorëzuara nga komunat, në përputhje me kërkesat e përcaktuara në Udhëzimin Administrativ 01/2023 dhe Ligjin për Performancën Komunale. Pas verifikimit, të dhënat janë përpunuar dhe janë duke përgatitur rezultatet përfundimtare të performancës për secilën komunë.

Gjatë kësaj periudhe është hartuar metodologjia për auditimin social të GPK-së, e cila përcakton hapat, kriteret dhe mjetet e nevojshme për realizimin e auditimit social, duke synuar forcimin e transparencës dhe llogaridhënies në qeverisjen lokale.

II. Avancimi i bashkëpunimit ndërkomunal, komunal ndërkombëtar dhe ndërkufitar

Aktivitetet në këtë objektiv janë realizuar në drejtim të:

- Forcimit të bashkëpunimit ndërkomunal dhe komunal ndërkombëtar;
- Zbatimit të programeve të bashkëpunimit ndërkufitar;

2.1. Bashkëpunimi ndërkomunal dhe komunal ndërkombëtar

Ministria e Administrimit të Pushtetit Lokal ka vazhduar aktivitetet lidhur me mbështetjen e komunave për bashkëpunim ndërkomunal dhe komunal ndërkombëtar për vitin 2025, për çka ka mbajtur takime me donatorë për mbështetje të aktiviteteve. Në kuadër të ***bashkëpunimit ndërkomunal***, gjatë kësaj periudhe janë realizuar vizita në komuna rreth nxitjes dhe promovimit të bashkëpunimit ndërkomunal, si dhe janë organizuar takime dedikuar procesit të planifikimit të përbashkët për hartimin e Planit Ndërkomunal për Menaxhimin e Integruar të Mbeturinave, me qëllim të koordinimit dhe harmonizimit të veprimeve të komunave pjesëmarrëse në këtë fushë, ndërsa nuk është arritur nënshkrimi i ndonjë marrëveshjeje të re.

Sa i përket ***bashkëpunimit komunal ndërkombëtar***, gjatë kësaj periudhe janë realizuar gjithsejtë 11 iniciativa/nisma për bashkëpunim ndërkombëtar ndërsa deri më tani është arritur që të nënshkruhet një marrëveshje e bashkëpunimit, janë përgatitur 2 *raporte periodike lidhur me Iniciativat dhe Marrëveshjet e Bashkëpunimit Komunal Ndërkombëtar për Komunitet e Republikës së Kosovës (për periudhën janar – mars 2025, dhe prill – qershor 2025)* dhe është bërë vlerësimi i ligjshmërisë për 11 iniciativa dhe 1 Marrëveshje për bashkëpunim komunal ndërkombëtar.

Ndërsa koordinimi lidhur me bashkëpunimin ndërkombëtar komunal ndërmjet Ministrisë së Administrimit të Pushtetit Lokal, Departamentit për Diplomaci Publike në MPJD, si dhe misionet diplomatike të akredituara në Kosovë dhe jashtë saj, do të vazhdojë në mënyrë të rregullt, me qëllim të shqyrtimit të mundësive për binjakëzime me qytete/komuna të tjera, përveç atyre aktuale.

2.2. Zbatimi i programeve të bashkëpunimit ndërkufitar

Ka vazhduar avancimi i bashkëpunimit ndërkufitar në kuadër të tri programeve: Shqipëri – Kosovë, Kosovë – Maqedoni e Veriut dhe Mali i Zi – Kosovë.

Në kuadër të programit të BNK IPA II Shqipëri – Kosovë: vizitat monitoruese janë në proces organizimi dhe pritet të zhvillohen gjatë gjashtëmujorit të dytë. Plani i vizitave dhe datat do të vendosen në bashkëpunim me strukturat, duke u bazuar në statusin e projekteve.

Në kuadër të programit BNK IPA II Mali i Zi – Kosovë: pasi që projektet janë në fazën përfundimtare është dakorduar mes strukturave që të mos organizohen vizita të tjera monitoruese.

Në kuadër të programit BNK IPA II Kosove – Maqedoni e Veriut: vizitat monitoruese janë në proces organizimi dhe pritet të zhvillohen gjatë gjashtëmujorit të dytë. Plani i vizitave dhe datat do të vendosen në bashkëpunim me strukturat, duke u bazuar në statusin e projekteve.

Menaxhimi i Kontratës së Grantit për Asistencë Teknike në kuadër të tri programeve të bashkëpunimit ndërkufitar Mali i Zi – Kosovë, Shqipëri – Kosovë dhe Kosovë – Maqedoni e Veriut

Programi IPA III Shqipëri- Kosovë - Në kuadër të këtij programi janë përfunduar aktivitetet si:

- Raporti Vjetor i Zbatimit (AIR) të programit të BNK-së për vitin 2023 i cili është miratuar nga Komitetet e Përbashkëta Monitoruese;
- Hartimi dhe miratimi i planit vjetor për zbatim të programit;
- Nënshkrimi i Marrëveshjes së Partneritetit për definim të përgjegjësi në mes të Strukturave të BNK-së;
- Plani i Komunikimit dhe Vizibilitetit (C&VP), i cili është miratuar nga JMC;
- Realizimi i takimit dypalëshe;
- Hartimi i 2 raporteve financiare dhe narrative për zbatim të programit;

Programi IPA III Kosovë-Maqedoni e Veriut- Në kuadër të këtij programi janë përfunduar aktivitetet si:

- Raporti vjetor (AIR) për zbatim të programit të BNK-së për vitin paraprak i cili është miratuar nga Komitetet e Përbashkëta Monitoruese;
- Hartimi dhe miratimi i planit vjetor për zbatim të programit;
- Plani vjetor i Komunikimit dhe Vizibilitetit i cili është miratuar nga JMC;
- Hartimi i 2 raporteve financiare dhe narrative për zbatim të programit;
- Realizimi i 1 takimi të Komitetit të Përbashkët Monitorues (KPM) në kuadër të këtij programi.

Programi IPA III Mali i Zi- Kosovë: në kuadër të këtij programi janë përfunduar aktivitetet si:

- Raporti vjetor (AIR) për zbatim të programit të BNK-së për vitin paraprak i cili është miratuar nga Komitetet e Përbashkëta Monitoruese;
- Hartimi dhe miratimi i planit vjetor për zbatim të programit;
- Plani vjetor i Komunikimit dhe Vizibilitetit i cili është miratuar nga JMC;

- Hartimi i raporteve mujore për zbatim të Kontratës për Asistencë Teknike (6 raporte);
- Realizimi i takimit dypalësh;
- Nënshkrimi i Marrëveshjes së Partneritetit për definim të përgjegjësi në mes të Strukturave të BNK-së;
- Hartimi i 2 raporteve financiare dhe narrative për zbatim të programit;
- Realizimi i takimit të Komitetit të Përbashkët Drejtues;
- Përgatitja e deklaratave vjetore, vetëpyetësorit dhe listës kontrolluese që garanton zbatimin efikas të programit të BNK-së Mali i Zi – Kosovë dhe dërgimi tek struktura e BNK-së në Mal të Zi;
- Përgatitja e raportit lidhur me menaxhimin e rrezikut në kuadër të zbatimit të programit;
- Realizimi i 2 takimeve të Komitetit të Përbashkët Monitorues (KPM) në kuadër të këtij programi.

Menaxhimi i thirrjeve për propozime në kuadër të tri programeve të bashkëpunimit ndërkufitar Mali i Zi – Kosovë, Shqipëri – Kosovë dhe Kosovë – Maqedoni e Veriut

- ✓ **Programi IPA III Shqipëri-Kosovë** si hap i parë është miratuar koncepti dokumenti për përmbajtjen pakos aplikuese si dhe thirrjes së parë nga JMC, ndërsa shpallja do të bëhet në shtator të këtij viti. Pas shpalljes së thirrjes, do të realizohet sesi informues për aplikuesit, forumi për kërkimin e partnerëve, si dhe trajnimi për menaxhimin e ciklit të projekteve.
- ✓ **Programi IPA III Kosovë-Maqedoni e Veriut** - Në kuadër të këtij programi është shpallur thirrja e parë për projekt propozime, ku në kuadër të kësaj thirrjeje janë organizuar 2 sesione informative dhe 2 sesione për gjetjen e partnerëve. Shuma totale e thirrjes është 3,240,00.00 euro, ndërsa prioritetet tematike të thirrjes janë: *Mbrojtja e ambientit, adaptimi dhe zbutja e ndryshimeve klimatike, parandalimi dhe menaxhimi i rreziqeve dhe Konkurrueshmëria, mjedisi i biznesit, dhe zhvillimi i MSME-ve, tregtisë dhe investimeve*. Aktualisht, në kuadër të këtij programi është duke u zhvilluar vlerësimi i aplikacioneve të plota. ndërsa në kuadër të programit të BNK-së Mali i Zi - Kosovë vlerësimi i aplikacioneve të plota do të realizohet në tremujorin e katërt.
- ✓ **Programi IPA III Kosovë-Mali i Zi-** Në kuadër të këtij programi është shpallur thirrja e parë për Projekt Propozime (CfP). Shuma totale e thirrjes është 5,400,000.00 euro, ndërsa prioritetet tematike të thirrjes janë: *Rritja e punësimit të rinjve dhe personave të marginalizuar në rajonin ndërkufitar dhe Nxitja e turizmit të qëndrueshëm në rajonin ndërkufitar*. Aktualisht, në kuadër të këtij programi është përfunduar vlerësimi i aplikacioneve të fazës fillestare (administrative check) ndërsa vlerësimi i aplikacioneve të plota do të realizohet në tremujorin e katërt.
- ✓ Realizimi i 1 takimi të Komitetit të Përbashkët Monitorues (KPM) në kuadër të këtij programi.
- ✓ Në kuadër të këtij programi është realizuar vizita e përbashkët studimore, me qëllim të forcimit të kapaciteteve të strukturave të BNK-së dhe stafit të SPT-së, krijimit të rrjeteve të reja të bashkëpunimit, kapitalizimit të projekteve, si dhe prezantimit të projekteve të zbatuara në kuadër të programeve të tjera të bashkëpunimit ndërkufitar dhe të lidhjes ndërmjet makro-strategjive dhe programeve Interreg

2.3. Kontrolli i programeve të Bashkëpunimit Ndërkufitar

Për kontrollin dhe verifikimin financiar të fondeve të programeve të bashkëpunimit ndërkufitar, në përputhje me rregullat dhe standardet e BE-së dhe ligjet e aplikueshme vendore janë përgatitur dhe aprovuar 2 plane të përditësuara lidhur me orarin e realizimit të vizitave OTSV *on the spot check*, dhe të njëjtat janë ndarë me Drejtorinë për Financa dhe Kontraktim të Fondeve të BE-së në Ministrinë e Financave të Malit të Zi – CFCU. Plani vjetor i OTSV përditësohet të paktën një herë në tremujor (nëse projektet bëjnë kërkesë për shtyrje të afatit të implementimit të projektit ose shtyrje të afatit të dorëzimit të raportit final narrativ dhe financiar).

Janë pranuar tri (3) raporte finale të projekteve, është bërë verifikimi i shpenzimeve, poashtu janë plotësuar raportet e verifikimit administrativ për secilin projekt final të pranuar dhe janë dërguar kërkesat për informata shtesë aty ku ka qenë e nevojshme. Për secilin projekt është krijuar një databazë fizike dhe elektronike.

Gjatë periudhës raportuese është realizuar një vizitë të projekti CFCU/MNE/230. Gjithashtu janë në proces edhe dy vizita tjera për projektet CFCU/MNE/229 dhe CFCU/MNE/224. Realizimi i vizitave bëhet pas përfundimit të projektit dhe dorëzimit të raportit final.

Gjithashtu është finalizuar dhe është dërguar në CFCU garancioni vjetor.

Poashtu janë përcjellur në CFCU anekset për menaxhimin e riskut siç janë të parapara me dokumentin e programit PLCP: *Risk Alert Form*, *Risk Action Plan* dhe *Risk Register*. Ndërsa vizitat ad - hoc tek përfituesit e grantit mbi rreziqet dhe parregullsitë e paraqitura sipas standardeve të rregullave Kontrolluese të Programit, do të realizohen në tremujorin e katërt.

III. Avancimi i politikave dhe i kornizës ligjore për vetëqeverisje lokale

Aktivitetet e realizuara gjatë kësaj periudhe që ndërlidhen me përmbushjen e objektivit 2 të Planit të Punës për periudhën janar – qershor 2025, janë shtrirë në drejtim të:

- Hartimit të projektligjeve dhe akteve nënligjore të planifikuara;
- Konsultimit paraprak të akteve sektoriale;
- Takimeve të rregullta me komunat;
- Monitorimit të komunave;
- Adresimin dhe zbatimin e obligimeve nga agjenda evropiane;
- Koordinimit të politikave;
- Raporteve të hartuara.

3.1. Zhvillimi i akteve ligjore dhe nënligjore

Ministria e Administrimit të Pushtetit Lokal, në kuadër të zhvillimit dhe avancimit të legjislacionit sipas programit legjislativ për vitin 2025 ka hartuar Rregulloren për Shqyrtimin Administrativ të Akteve Komunale dhe i njëjti është në proces të konsultimit publik. MAPL poashtu është në proces hartimit të Doracakut për përgjegjësitë e komunave që derivojnë nga aktet ligjore të miratuara nga Kuvendi i Republikës së Kosovës dhe aktet nënligjore të

miratuara nga Qeveria e Republikës së Kosovës dhe Ministritë sektoriale, poashtu ka finalizuar Rregullo

3.2. Vlerësimi i ndikimit të politikave në fushën e vetëqeverisjes lokale

Sa i përket konsultimit paraprak të akteve të ministrive sektoriale dhe përputhshmërisë së tyre me legjislacionin për vetëqeverisje lokale, është themeluar Grupi Punues brenda ministrisë i cili është përgjegjës për shqyrtimin e akteve për konsultim paraprak, i cili në vazhdimësi pranon akte nga ministritë e linjës për konsultim paraprak. Për periudhën Janar-Qershor 2025 janë pranuar dhe shqyrtuar 5 kërkesa për konsultim paraprak. Ndërsa, lidhur me shkresat njoftuese që adresohen në komuna, në këtë periudhë kohore janë pranuar dhe shqyrtuar 56 kërkesa dhe 8 ankesa nga personat fizik dhe juridik. Gjatë periudhës raportuese është bërë kundërshtimi i 2 lëndëve në gjykatat kompetente lidhur me lëndet që palë në procedurë është MAPL.

3.3. Monitorimi i kuvendeve të komunave

Ministria e Administrimit të Pushtetit Lokal konform mandatit ligjor të përcaktuar me legjislacionin për vetëqeverisje lokale monitoron komunat mbi bazën e të cilave harton raporte periodike për funksionimin e komunave të Republikës së Kosovës. Komunat, përkatësisht organet e komunës janë të obliguara që ushtrimin e kompetencave të tyre ta zhvillojnë sipas Kushtetutës, ligjeve dhe akteve nënligjore të Republikës së Kosovës.

MAPL është e obliguar të hartojë dhe dorëzojë në Qeveri dhe Kuvend të Republikës së Kosovës, *Raportin vjetor të funksionimit të komunave*. Ky raport është dërguar në Qeveri, Presidencë dhe Kuvend në fund të muajit Prill 2025. Është hartuar 1 raport për vlerësim të ligjshmërisë së akteve të komunave për periudhën Janar-Dhjetor 2024, 1 raport për vlerësim të Ligjshmërisë së akteve të komunave nga MAPL dhe Ministritë e Linjës, si dhe 1 raport i funksionimit të Komunave për periudhën Janar-Dhjetor 2024, poashtu është realizuar takimi i rregullt me kryesuesit e kuvendeve të komunave dhe drejtorët komunal.

Kuvendi i Komunës sipas Ligjit për Vetëqeverisje Lokale, është organi më i lartë i komunës. Kuvendi është organ vendimmarrës i komunës, i cili funksionon në bazë të legjislacionit për vetëqeverisjen lokale në Republikën e Kosovës. Kuvendi duhet të mbajë së paku 10 mbledhje në vit, pesë prej të cilave duhet të mbahen në gjashtëmujorin e parë të vitit. Ky është kriteri minimal i specifikuar, i cili kërkohet të respektohet, ndërsa komunave u është lënë mundësia të përshtatin numrin e mbledhjeve, varësisht nga nevojat.

Në Republikën e Kosovës në këtë periudhë kanë funksionuar kuvendet e 38 komunave, të cilat kanë mbajtur mbledhje rregullisht.

Sipas raporteve të monitorimit, mbledhjet e kuvendeve të komunave kanë qenë të hapura për publikun, mbledhjet e kuvendeve kanë qenë transparente me ç' rast janë transmetuar direkt përmes ueb faqes së Komunave dhe kanaleve të tyre në youtube. Gjatë kësaj periudhe, kuvendet e komunave të Republikës së Kosovës kanë mbajtur 290 mbledhje. Prej tyre 209 kanë qenë të rregullta, 15 të jashtëzakonshme, 3 urgjente dhe 63 solemne. Këto mbledhjet e

kuvendeve të komunave janë monitoruar përmes sistemit të teleprezencës, si dhe prezencës fizike të zyrtarëve.

Mbledhjet e Kuvendeve të Komunave:

- *Te rregullta 209*
- *Te jashtëzakonshme 15*
- *Solemne 63*
- *Urgjente 3*

Gjatë periudhës janar - qershor 2025 janë pranuar gjithsej 877 akte për vlerësim, prej të cilave varësisht nga fusha disa janë dërguar për vlerësim në ML, ndërsa 24 lëndë janë dërguar në Ministrinë e Drejtësisë, pas kalimit të afatit për rishqyrtim të ligjshmërisë nga ana e komunave.

3.4. Adresimi i obligimeve nga agjenda evropiane

Roli i komunave në përmbushjen e obligimeve nga agjenda evropiane është jashtëzakonisht i rëndësishëm në këtë proces. Një numër i lartë i prioritetëve të MSA-së janë nën përgjegjësinë dhe kompetencat e nivelit komunal, për çka Komisioni Evropian çdo vit i kushton rëndësi të veçantë theksimit të arriturave dhe sfidave të komunave në raportin e KE-së për vendin. Lidhur me këtë proces Ministria e Administrimit të Pushtetit Lokal ka bërë koordinimin e aktiviteteve me komuna për adresimin dhe zbatimin e obligimeve të cilat burojnë nga agjenda e integritetit evropian. Në këtë periudhë kohore është hartuar Raporti i përmbushjes së obligimeve të komunave nga Agjenda Evropiane për periudhën Janar-Dhjetor 2024. Bazuar në të dhënat e ofruar nga komunat, gjatë periudhës Janar - Dhjetor 2024 komunat e Republikës së Kosovës kanë arritur t'i përmbushin përafërsisht 54% të aktiviteteve të planifikuara në fushën e kriterëve Politike, përafërsisht 76 % të aktiviteteve të planifikuara në fushën e kriterëve ekonomike, si dhe përafërsisht 62% aktiviteteve të planifikuara në fushën e standardeve evropiane. Niveli i përgjithshëm i përmbushjes së obligimeve të komunave nga agjenda evropiane për periudhën Janar - Dhjetor 2024 është 64%.

Për të realizuar aktivitetet e agjendës evropiane, janë mbajtur takime me misionin e OSBE-së në Kosovë dhe në bashkëpunim me OSBE është mbajtur këshillimi i përbashkët me Zyrtarët Komunal për Integritet Evropian, me qëllim të hartimit të planit gjithëpërfshirës të komunave për obligimet e agjendës evropiane për vitin 2025, i njëjti plan është përditësuar me komentet e pjesëmarrësve si dhe me obligimet e komunave dhe MAPL-së që burojnë nga PKZMSA.


Gjatë kësaj periudhe raportuese është përgatitur Raporti i masave të MAPL-së mbi Zbatimin e Programit Kombëtar të Integritet Evropian për vitin 2024. Gjithashtu, janë identifikuar dhe propozuar Obligimet e komunave dhe MAPL-së nga PKZMSA, dhe është përgatitur Inputi i MAPL-së për raportin e KE-së për Kosovën – 2024, për periudhën 1 shtator 2024 – 31 mars 2025 dhe për periudhën 1 prill – 31 gusht 2025.

Gjatë kësaj periudhe është dërguar kërkesa në komuna për raportimin e përmbushjes së agjendës evropiane për periudhën Janar-Qershor 2025. Poashtu në kuadër të zbatimit të

planit të punës, është realizuar një seri vizitash në 6 komuna të Republikës së Kosovës, me qëllim të rritjes së bashkëpunimit dhe koordinimit në fushën e integritetit evropian në nivelin lokal, duke ofruar mbështetje dhe shkëmbim informacioni për avancimin e këtij procesi.

3.5. Koordinimi i politikave

Gjatë kësaj periudhe i është kushtuar shumë rëndësi zhvillimit të politikave të planit të punës së MAPL-së dhe Programit Kombëtar për Zhvillim. Për implementimin e duhur të këtyre politikave në vazhdimësi janë zhvilluar takime me departamente dhe njësitë organizative të MAPL-së për koordinimin e aktiviteteve të me ç' rast është përfunduar hartimi i planit vjetor të punës së MAPL-së për vitin 2025. Është përgatitur raporti për periudhën Janar-Dhjetor 2024 lidhur me zbatimin e aktiviteteve të MAPL-së në kuadër të Programit Kombëtar për Zhvillim 2024-2026. Gjithashtu, gjatë kësaj periudhe janë hartuar edhe dokumente të tjera, si:



IV. Ngritja e transparencës komunale, promovimi i të drejtave të njeriut dhe zhvillimi i kapaciteteve

Aktivitetet e realizuara gjatë kësaj periudhe (Janar – Qershor 2025) janë ato të cilat ndërlidhen me:

- Monitorimin e fushës së të drejtave të njeriut në komuna;
- Informimi i publikut rreth aktiviteteve të MAPL-së;
- Transparenca dhe llogaridhënia;
- Ngritja e kapaciteteve komunale; dhe
- Bashkëpunimit me shoqërinë civile.

4.1. Aktivitetet në fushën e të drejtave të njeriut dhe transparencën komunale

MAPL ka vazhduar me mbështetjen e komunave në zbatimin e politikave në fushën e të drejtave të njeriut. Në këtë periudhë janë hartuar raportet si: raporti vjetor i vitit 2024 për të drejtat e njeriut, raporti për Monitorimin e Treguesve për Mbrojtje nga Diskriminimi, raporti rreth numrit të komunave për hapjen e fushatës në parandalimin e trafikimit me njerëz, raporti me të dhëna lidhur me numrin e grave në vendimmarrje, numri i grave të cilat kanë përfituar nga subvencionet, numri i regjistrimit të pronës në emër të dy bashkëshortëve.

Në kuadër të zbatimit të legjislationit në fuqi për persona me aftësi të kufizuara, është hartuar raporti me të dhëna rreth numrit të punësuarve të personave me aftësi të kufizuara të punësuar në komuna, numrit të komunave të cilat kanë hartuar Planin e Veprimit për PAK, si dhe numri të komunave të cilat kanë caktuar interpreterin e gjuhës së shenjave. Në këtë drejtim, vlen të theksohet se me përpjekjen e MAPL dhe Shoqatën e të Shurdhëve të Kosovës, në Komunën e Suharekës është caktuar interpreteri i gjuhës së shenjave.

Gjatë kësaj periudhe MAPL ka dërguar shkresën informuese tek të gjitha komunat e Republikës së Kosovës për t'i informuar rreth fillimit të fushatës për regjistrim falas të komuniteteve Rom, Ashkali dhe Egjiptian, ku edhe është hartuar raporti për numrin e të regjistruarve të komunitetit Rom, Ashkali dhe Egjiptian.

Gjithashtu janë realizuar një seri e takimeve për ngritjen e nivelit strukturor të Njësive për të Drejta të Njeriut (NJDNJ) dhe Zyrave për Komunitete dhe Kthim në 4 komunat veriore.

Ndërsa sa i përket fushës së drejtave të fëmijës, MAPL në bashkëpunim të ngushtë me Zyrën për Qeverisje të Mirë dhe në mbështetje të OJQ Syri i Vizionit dhe UNICEF, ka arritur përmbushjen e obligimeve ligjore sa i përket Ligjit për Mbrojtje të Fëmijës. Me qëllim të zbatimit të *Udhëzimit Administrativ (QRK) Nr. 06/2022 për Themelimin dhe Funkcionimin e Ekipit për të Drejtat e Fëmijës*, MAPL në bashkëpunim me ZQM dhe OJQ Syri i Vizionit në vazhdimësi ka mbështetur komunat në themelimin e Ekipeve për të drejtat e fëmijës, me ç' rast në kuadër të projektit *"Detyrimi ynë për të Ardhmen – Mbrojtja e Fëmijëve dhe Qeverisja e të Drejtave të Fëmijës"*, ka organizuar punëtorinë për mbështetje në hartimin e Planit të Punës së Ekipeve të Fëmijëve në Komunat e Republikës së Kosovës duke siguruar që këto plane të jenë në përputhje me legjislationin kombëtar dhe standardet ndërkombëtare përmes vizitave në komuna, ndihmës teknike si dhe fushatës së ndërgjegjësimit. Poashtu, në bashkëpunim me ZQM, Syri i Vizionit dhe UNICEF ka mbështetur komunat në hartimin e Planit të Veprimit, si dhe në bashkëpunim me ZQM, Syri i Vizionit dhe Save the Children kanë hartuar kornizën monitoruese për Ekipet e të Drejtave të Fëmijës në Komuna të Kosovës, i cili është prezantuar pranë Kryesuesit dhe Sekretariatit të Ekipeve për të Drejtat e Fëmijës në Komuna në dy sesionet informuese, të mbështetur nga Agjencia Suedeze për Bashkëpunim dhe Zhvillim Ndërkombëtar - SIDA.

Me qëllim të rritjes së vetëdijes për parandalimin e trafikimit të qenieve njerëzore, MAPL në vazhdimësi ka mbështetur komunat në realizimin e aktiviteteve të ndryshme ndërgjegjësuere në kuadër të *Fushatës Kundër Trafikimit me Njerëz*, duke u fokusuar në masat parandaluese që të rinjtë duhet të ndërmarrin për të mos rënë pre e trafikantëve.

MAPL, poashtu në vazhdimësi bën monitorimin e zbatimit të Ligjit për Përdorimin e Gjuhëve Zyrtare dhe Gjuhëve në Përdorim Zyrtar në komunat e Republikës së Kosovës, ku në bashkëpunim me Këshillin e Evropës, Zyrën e Komisionerit për Gjuhë pranë Zyrës së Kryeministrit dhe Zyrën e Avokatit të Popullit janë mbajtur 7 punëtori regjionale mbi sfidat rreth ligjit për përdorimin e gjuhëve zyrtare.

Po ashtu, në kuadër të përpjekjeve të MAPL, për të forcuar përfaqësimin dhe përfshirjen e komuniteteve Rom, Ashkali dhe Egjiptian në punësim si shërbyes civil, së bashku me OJQ “Zëri i Romëve, Ashkalinjëve dhe Egjiptianëve - VORAE”, kemi mbajtur pesë (5) tryeza në nivel regjional, ku kemi prezantuar për të drejtat dhe mundësitë e shfrytëzimit të dispozitave juridike të favorshme në aspektin e punësimit të këtyre komuniteteve.

Ndërsa në kuadër të transparencës komunale, është hartuar raporti për transparencë të komunave për periudhën Janar- Dhjetor 2024 duke i monitoruar të dhënat përmes ueb faqeve zyrtare të komunave dhe për prezantimin e këtij raporti është mbajtur një takim me zyrtarët e informimit në komuna, ku janë paraqitur gjetjet kryesore të raportit, praktikat e mira të disa komunave, si dhe janë diskutuar sfidat e përbashkëta që prekin transparencën komunale. Ndërsa në mënyrë të rregullt është vazhduar me vlerësimin e transparencës komunale, përfshirë monitorimin e kuvendeve të komunave në aspektin e transparencës, monitorimin e ekzekutivit dhe llogaridhënia në aspektin e transparencës, monitorimin e transparencës buxhetore të komunave, dhe transparenca në prokurimin publik, monitorimi i takimeve publike me qytetarët dhe zbatimi i standardeve minimale të konsultimeve publike.

Gjatë periudhës raportuese, MAPL ka zhvilluar një sërë aktiviteteve me qëllim fuqizimin e komunave në proceset e politikbërjes gjithëpërfshirëse dhe rritjen e pjesëmarrjes së qytetarëve në nivel lokal. Bazuar në gjetjet dhe rekomandimet e Raportit të Vlerësimit të Transparencës për vitin 2024, është ofruar mbështetje e drejtuar dhe e përshtatur sipas nevojave dhe performancës së secilës komunë. Në këtë kuadër, komunave u është dhënë asistencë teknike dhe udhëzime të standardizuara për hartimin e raporteve mbi konsultimet publike, bazuar në formatin e zhvilluar nga MAPL. Paralelisht, në bashkëpunim me ASHI-në, AKK-në dhe OSBE-në, janë ndërmarrë hapa për ndërlidhjen e faqeve zyrtare komunale me Platformën e Konsultimeve Publike që funksionon në kuadër të Zyrës për Qeverisje të Mirë.

Gjithashtu, në bashkëpunim me AKK-në dhe OSBE-në është organizuar një punëtori me përfaqësues të komunave, duke adresuar sfidat që komunat hasin gjatë zbatimit të procesit të buxhetimit me pjesëmarrje. Përveç kësaj, MAPL ka ofruar në vazhdimësi opinione ligjore për hartimin e Rregulloreve për Transparencë, Modeleve të Planeve të Veprimit për Transparencë dhe Planeve Komunale për Komunikim me Publikun, duke kontribuar kështu në ngritjen e standardeve të transparencës dhe pjesëmarrjes qytetare në nivel lokal.

4.2. Zhvillimi i platformës shtetërore E-KOMUNAT

Platforma *E-Komunat* do të jetë në shërbim të qytetarëve për të rritur pjesëmarrjen e tyre në vendimmarrje në nivelin lokal, dhe do të jetë në shërbim të vet komunave për digjitalizimin e shërbimeve komunale. Në kuadër të kësaj MAPL si udhëheqëse e këtij procesi ka zhvilluar fazën e parë të platformës E-Komunat dhe pas lansimit të fazës së parë të platformës E-

KOMUNA, MAPL ka vazhduar me zhvillimin e fazës së dytë të kësaj platforme e cila është në zhvillim e sipër.

Në kuadër të kësaj platforme, janë testuar dhe përzgjedhur 3 komuna pilot (*Mitrovicë Jugore, Gjilan, Prishtinë*). Më 17 maj 2024 është mbajtur ceremonia e lansimit të platformës e-komunat, përkatësisht integritit të 6 shërbimeve elektronike të platformës E-komuna në kuadër të platformës E-Kosova, si në vijim:

- Transmetimet direkte të mbledhjeve të asambleve komunale;
- Raporto problemet në komunën tuaj;
- Komunikimi me zyrtarin komunal;
- Inicio dhe kontribuo në debatet publike për komunën tuaj;
- Informacione mbi komunat;
- Pasuria e zyrtarëve komunal.

Këto shërbime do të jenë të disponueshme përmes platformës shtetërore E-KOSOVA, me qëllim lehtësimin e qasjes për të gjithë qytetarët. Po ashtu, në kuadër të përfundimit të fazës 2 të platformës E-komunat, janë integruar dhe aktivizuar katër shërbime të reja, të cilat janë populluar/plotësuar me të dhënat nga tri komunat pilot. Shërbimet që janë përfshirë janë si më poshtë

- Zhvillimi i modulit të mbledhjes së tatimeve komunale;
- Zhvillimi i modulit të investimeve kapitale;
- Zhvillimi i modulit për publikim të listës së pronave të paluajtshme të Komunes, sipas legjislacionit përkatës për dhënien në shfrytëzim të pronës së Komunes;
- Zhvillimi i modulit sistemi për menaxhimin e granteve dhe subvencioneve për komuna.

Pas trajnimeve të zyrtarëve komunal, platforma do të vihet për përdorim në 38 komunat e Republikës së Kosovës.

4.3. Informimi i publikut për aktivitetet e MAPL-së

Gjatë kësaj periudhe janë ofruar informata të vazhdueshme për publikun, mediat, shoqërinë civile, organizatat e huaja ndërkombëtare, si dhe palët e interesuara lidhur me aktivitetet e zhvilluara. Janë pranuar 12 kërkesa për Qasje në Dokumente Publike për të cilat janë kthyer përgjigje, 25 pyetje nga mediat dhe janë kthyer 25 përgjigje.

Në Ueb-faqen e MAPL-së gjatë kësaj periudhe janë publikuar si vijon: Në linkun Publikime janë publikuar 12 njoftime të ndryshme; në linkun thirrje për propozime janë publikuar 3 dokumente në gjuhën shqipe;

Janë përgatitur 95 raporte ditore të pasqyrimin të mediave online, gjithashtu në këtë periudhë janë dërguar 2 ftesa dhe 2 raporte ditore të monitorimit të mediave online.

Në kuadër të raportimit periodik të Divizionit për Komunikim Publik, gjatë vitit janë përgatitur tri raporte që përfshijnë: raportimin vjetor në Agjencinë për Informim dhe Privatësi lidhur me kërkesat për qasje në dokumente publike të trajtuara nga MAPL; dy raporte të aktiviteteve të

DKP-së që mbulojnë kërkesat e pranuar për qasje në dokumente publike, pyetjet e adresuara nga mediat dhe përgjigjet e kthyer nga MAPL, si dhe konferencat e organizuara për Zyrën e Komunikimit Publik në ZKM; si dhe raportimin periodik për ZKM mbi kërkesat për qasje në dokumente publike, pyetjet e pranuar nga media, qytetarët dhe shoqëria civile, përgjigjet e dhëna nga MAPL dhe konferencat e mbajtura nga Ministria.



Vlen të theksohet se MAPL, gjatë periudhës së raportimit, ka zhvilluar në vazhdimësi fushata vetëdijësuese lidhur me barazinë gjinore, të drejtat e njeriut, të drejtat e fëmijëve dhe fusha të tjera me rëndësi shoqërore. Poashtu ka publikuar video promovuese lidhur me aktivitetet e realizuara nga MAPL, në përputhje me kërkesat dhe prioritetet e përcaktuara, me synim rritjen e transparencës dhe informimit të publikut mbi punën dhe rolin e Ministrisë

4.4. Bashkëpunimi me shoqërinë civile

Ministria e Administrimit të Pushtetit Lokal ka vazhduar me përfshirjen e shoqërisë civile në hartimin e politikave dhe legjislacionit për vetëqeverisje lokale dhe në implementimin e strategjisë për vetëqeverisje lokale 2016-2026, ku gjatë kësaj periudhe në çdo grup themelues për hartimin e politikave dhe legjislacionin e ministrisë është përfshirë edhe nga një anëtarë i shoqërisë civile.

4.5. Ngritja e kapaciteteve të zyrtarëve komunal

Në pajtim me objektivat e strategjisë për vetëqeverisje lokale, gjegjësisht forcimit të kapaciteteve institucionale të komunave, janë ndërmarrë veprime për zbatimin e aktiviteteve të parapara në këtë fushë. Në këtë drejtim, është hartuar plani i trajnimeve për vitin 2025 për Ministrinë dhe komunat, me qëllim të rritjes së kapaciteteve institucionale, përmirësimit të njohurive profesionale dhe avancimit të aftësive praktike të stafit në fushat përkatëse të punës. Në bashkëpunim me donatorët dhe Institutin e Kosovës për Administratë Publike (IKAP), janë realizuar 5 module trajnimesh për zyrtarët komunal me temat:

Procedurat Standarde të Operimit për Sistemin e Menaxhimit të Performancës Komunale dhe Grantin e Performancës Komunale; Sfidat e Zbatimit të Ligjit për Përdorimin e Gjuhëve Zyrtare; Parandalimi dhe Zvogëlimi i Barrës Administrative;

Menaxhimi i Pronës Publike; si dhe

Zbatimi i Programit Nacional për Zhvillim Ekonomik Lokal 2030.

Poashtu është mbajtur trajnimi me temën *Analiza e të dhënave* si pjesë e procesit të ngritjes së kapaciteteve për zyrtarët e MAPL-së.

V. Administrata, financat, auditimi dhe prokurimi

5.1. Administrata dhe financat



Për hartimin e planit të rrjedhës së parasë së gatshme për vitin 2025, është bërë mbledhja e informatave lidhur me kohen e paraparë për zotimin dhe shpenzimin e mjeteve, ky plan është dorëzuar në Ministrin e Financave përmes sistemit të SIMFK-së.

Gjithashtu gjatë kësaj periudhe është përcjell rrjedha e alokimit të mjeteve dhe janë bërë ndryshime për planin e shpenzimeve. Sa i përket raportit vjetor financiar për vitin e përfunduar 2024, është dorëzuar në MFPT dhe gjithashtu janë kryer të gjitha regjistrimet e pasurisë dhe stokeve. Për sigurimin e kodeve për projektet kapitale, janë përgatitur dhe dorëzuar kërkesat dhe fletëalokimi për MFPT, janë kompletuar lëndët me MeM dhe PIP dhe janë alokuar mjetet për projektet e reja. Është përgatitur dhe dorëzuar Korniza Afatmesme e Shpenzimeve 2026-

2028. Sa i përket kërkesave buxhetore për vitin 2026, pas pranimit të Qarkores buxhetore për vitet 2026-2028 janë identifikuar nevojat buxhetore dhe është dorëzuar kërkesa buxhetor. Është përgatitur hartimi i Programit të Investimeve Publike (PIP) në bazë të qarkores së parë buxhetore, janë përgatitur dhe janë vendosur në sistemin BDMS shpenzimet në bazë të qarkores së parë buxhetore.

Gjatë kësaj periudhe është përgatit: 1) *Raporti për listën e rreziqeve për periudhën janar - dhjetor 2024*, 2) *Raporti i listës së vetëvlerësimit për vitin 2024*. Për zotime, pranim të mallit, shpenzim dhe certifikim të lëndëve për pagesa janë pranuar kërkesat inicuese për zotimin e mjeteve në SIMFK, janë pranuar lëndët dhe faturat për procedim të pagesave dhe janë evidentuar në librin e protokollit, është bërë përgatitja CPO-së dhe është kryer regjistrimi i zotimeve, shpenzimeve dhe certifikimi në SIMFK, është kryer pranimi i mallit në SIMFK dhe evidentimi në librin e protokollit intern, është bërë skanimi i lëndëve, arkivimi elektronik në Share Folder si dhe arkivimi fizik i lëndëve.

Gjatë kësaj periudhe është bërë raportimi, barazimi i raportit të SIMFK dhe analizimi i tij me raportet e shpenzimeve për periudhën Janar - Dhjetor 2024 dhe në baza mujore për periudhën janar – qershor 2025. Ndërsa sa i përket objektivit Parasë së imte (Patty Cash) dhe Avanseve për udhëtime zyrtare, është bërë hapja e petty cashit për administratë dhe për kabinet, është bërë përgatitja e fletëpranimit standard të parasë së imtë dhe vendosja e të dhënave në çarshaf për kërkesat e bërë për Petty Cash, është bërë përgatitja e formularëve dhe llogaritja e shpenzimeve para dhe pas kthimit të zyrtarëve nga vizita zyrtare, kthimi i

mjeteve në rastet kur ka pasur kthim të mjeteve dhe është bërë mbyllja e Kredit Karteleve në rastet kur ka pasur shpenzime.

Për raportimin e obligimeve të papaguara dhe obligimeve kontraktuale në vazhdimësi janë përgatitur dhe dorëzuar raportet mujore për faturat e papaguara dhe obligimeve kontraktuale. Ndërsa për hartimin e raporteve mujore financiare dhe raporteve tjera mbi shpenzimet e përgjithshme, janë përgatitur raportet javor për buxhetin e përgjithshëm për MAPL-në zotimi, shpenzimi dhe certifikimi. Janë hartuar raportet e kontabilitetit mbi shpenzimet e përgjithshme, janë dorëzuar raportet javore të buxhetit dhe në vazhdimësi janë kontrolluar lëvizjet buxhetore. Për menaxhimin e pasurisë së MAPL—së gjatë kësaj periudhe është kryer: *regjistrimi i pasurisë mbi 1,000.00 € në SIMFK, regjistrimi i pasurisë në sistemin e-pasuria dhe bartja e investimeve kapitale në komuna pas përfundimi të projekteve.*

Është përgatitur dhe dorëzuar Raporti periodik për zbatimin e rekomandimeve të Auditorit Gjeneral, si dhe plani i veprimit për përmirësimin e sistemit të kontrollit të brendshëm të financave publike sipas vendimit të qeverisë.

Buxheti i MAPL-së për vitin 2025, (bazuar në raport të datës 01.07.2025 për vitin 2025) së bashku me Donacionin (93 Council of Europe) është 9,474,907.81 €. Nga kjo shumë për periudhën Janar – Qershor nga buxheti i konsoliduar i Kosovës janë shpenzuar 628,759.76 € ose 6.83 % e buxhetit. Prej kategorisë së donacionit 93 Council of Europe është shpenzuar shuma 101,621.53 € ose 37.89 % e buxhetit. Në total Buxheti i MAPL-së + Donacionet (93 Council of Europe) për periudhën Janar-Qershor 2025 është shpenzuar në vlerë prej: 730,381.29 € ose 7.71 % e buxhetit.

MAPL për periudhën Janar-Qershor 2025 ka iniciuar 34 kërkesa për rekrutimin sipas procedurave të rekrutimit, e njëjta kërkesë është aprovuar dhe është publikuar në sistem. Janë pranuar kërkesa për praktikë dhe për të njëjtat janë nënshkruar marrëveshjet si dhe është bërë regjistrimi elektronik i studentëve të cilët kanë kryer praktikën në këtë periudhë. Janë identifikuar nevojat për trajnime dhe është përgatitur plani i trajnimeve. Janë përgatitur raportet mujore të vijueshmërisë për stafin, janë proceduar kartela të reja për stafin e ri, si dhe janë aprovuar kërkesat për ndryshime në listën e pagave (ndryshimet e bëra janë dërguar në MF).

Për këtë periudhë raportuese sipas njoftimit të pranuar nga Agjensioni Kundër Korrupsioni janë përditësuar të dhënat në sistem lidhur me deklarin e pasurisë.

Sa i përket shërbimit të përkthimeve, gjatë periudhës raportuese nga gjuha shqipe në gjuhën serbe janë përkthyer **1080** faqe, nga gjuha shqipe në gjuhën angleze janë përkthyer **206** faqe, sipas kërkesave të Departamenteve/Divizioneve dhe Kabinetit të MAPL. Ndërsa gjatë 2 takimeve zyrtare, është ofruar përkthimi simultant. Poashtu është bërë skanimi, arkivimi elektronik në Share Folder, arkivimi fizik, si dhe evidentimi në librin e protokollit intern i gjithsej 2236 lëndëve.

5.2. Auditimi i Brendshëm

Njësia e Auditimit të Brendshëm (NJAB) ka përmbyllur punën e vitit 2024 duke hartuar raportin e gjashtëmujorit të dytë të vitit 2024 dhe raportit vjetor të punës së NjAB për vitin

2024 i cili është proceduar tek menaxhmenti i lartë i MAPL-së dhe në Njësinë Qendrore Harmonizuese të Auditimit të Brendshëm (NJQH-AB).

Njësia e Auditimit të Brendshëm në përputhje me Planin vjetor 2025, ka përfunduar auditimet si në vijim:

- Menaxhimi i automjeteve në MAPL;
- Menaxhimi i burimeve njerëzore në MAPL;

5.3. Prokurimi

Gjatë periudhës Janar – Qershor 2025, janë grumbulluar kërkesat për mallra, shërbime dhe kapitale nga Njësitë dhe Departamentet e MAPL-së, pas grumbullimit të kërkesave është përfunduar planifikimi për vitin fiskal. Plani i prokurimit është përfunduar dhe proceduar tek Sekretari i Përgjithshëm i MAPL-së dhe është lansuar në platformën elektronike KRPP-AQP. Në kuadër të planit të prokurimit, janë zhvilluar aktivitetet në kuadër të kontratave të planifikuara: *kontrata për furnizim, kontrata për shërbime dhe kontrata për kapitale*.

Në përputhje me kërkesat e Departamenteve janë realizuar artikujt si: *Furnizim me frigoriferë për nevoja të stafi; Furnizim me Laptop; Furnizim me Kompjuter dhe PC; Shërbimet e regjistrimit dhe sigurimeve te veturave; Shërbime të pastrimit të veturave zyrtare të MAPL-së; Kontrollimi teknik i veturave zyrtare të MAPL-së; si dhe Mirëmbajtja e Sistemit të Menaxhimit të Performancës Komunale*. Kurse për furnizime të tjera nuk ka pasur kërkesa inicuese. Gjithashtu në këtë periudhe është hartuar Raporti i kontratave të nënshkruara për vitin 2024.

Përfundim

Raporti për periudhën janar-qershor 2025 dëshmon një progres të dukshëm në realizimin e planit të punës. Për gjashtëmujorin e dytë të vitit pritet të intensifikohet puna në aktivitetet e mbetura, përfshirë disa që janë bartur nga gjashtëmujori i parë. Vëmendje e veçantë do t'i kushtohet rritjes së mbështetjes komunale përmes granteve në performancë, avancimit të transparencës publike dhe forcimit të komponentit të integritetit evropian në nivelin lokal.